



01/a-50-1

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-94/14

Datum, 21.03.2014. godine

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM/PREDSTAVNIČKI DOM
TRG BIH 1
SARAJEVO

BOSNA I HERCEGOVINA	
PARLAMENTARNA SKUPŠTINA BOSNE I HERCEGOVINE	
SARAJEVO	
Priloga	27.03.2014
01-50-1-15-63/14	

Predmet: Odgovor na poslaničko pitanje poslanika Predstavničkog dom Parlamentarne skupštine Bosne i Hercegovine

Veza: Vaš akt broj: 01/a-50-1-15-63/14 od 25.02.2014. godine

Poštovani,

Povodom poslaničkog pitanja poslanika Predstavničkog doma Parlamentarne skupštine Bosne i Hercegovine, gospodina Nike Lozančića koje ste nam proslijedili na odgovor vašim aktom gornji broj, a koje je postavljeno na 63. sjednici Predstavničkog/Zastupničkog doma Parlamentarne skupštine Bosne i Hercegovine održanoj dana 25.02.2014. godine u vezi obračunatih a neplaćenih poreza i doprinosa koji predstavljaju entitetske prihode, obavještavamo vas da nisu u nadležnosti ovog Tužilaštva. U nadležnosti Tužilaštva/Tužiteljstva Bosne i Hercegovine su indirektni porezi (PDV, iz člana 210. Poreska utaja ili prevara i Neplaćanje poreza iz člana 211. KZ BiH) u kojem slučaju je Uprava za indirektno oporezivanje Bosne i Hercegovine nadležni organ za kontrolu a Tužilaštvo/Tužiteljstvo Bosne i Hercegovine kontinuirano zaprima i postupa po izvještajima UINO BiH o počinjenim navedenim krivičnim djelima.

Poslanik Niko Lozančić nadalje navodi da je UINO BiH objavila listu poreskih dužnika koji ukupno duguju 400 miliona neplaćenih indirektnih poreza što ukazuje na činjenicu o nepostojanju takve liste na entiteskim nivoima u pogledu direktnih poreza kao što je porez na dobit fizičkih i pravnih lica, porez na imovinu, porez na prihodak od imovine i imovinskih prava, porez na dohodak i dr.

Tužilaštvo/Tužiteljstvo Bosne i Hercegovine se može izjasniti da je utvrđivanje elemenata krivične odgovornosti u institucijama nadležnim za kontrolu poreskih obveznika ovisno o okolnostima svakog pojedinačnog slučaja.

S poštovanjem,



**SEKRETAR
TUŽILAŠTVA / TUŽITELJSTVA BiH**

Ismeta Huremović

emovic

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNO TUŽILAŠTVO
KANTONA SARAJEVO
Broj: A-320/14
Sarajevo, 18.03.2014. godine**

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 20-03-2014			
Organizaciona jedinica	Klasifikaciona oznaka	Redni broj	Broj priloga
01-50-1-15-63/14			

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM / PREDSTAVNIČKI DOM
N/r Predsjedavajućeg Predstavničkog doma
dr. Milorad Živković**

**Ul. Trg BiH broj 1
SARAJEVO**

Veza vaš broj: 01/a-50-1-15-63/14 od 25.02.2014. godine

PREDMET: Informacija, dostavlja se

Shodno Vašem zahtjevu od 25.02.2014. godine, a koji zahtjev se odnosi na poslaničko pitanje koje je postavio poslanik Niko Lozančić na 63. Sjednici Predstavničkog doma Parlamentarne skupštine Bosne i Hercegovine, dostavljamo Vam informaciju kako slijedi:

Krivičnim zakonom Federacije Bosne i Hercegovine u glavi XXIII propisana su krivična djela koja sankcionišu počinjenja krivična djela iz oblasti poreza. Najčešće prijavljivano krivično djelo iz ove glave je krivično djelo porezne utaje iz člana 273. KZ FBiH, te krivično djelo lažna porezna isprava iz člana 274. KZ FBiH.

Nakon provjera kroz službene evidencije Kantonalnog tužilaštva Kantona Sarajevo, dostavljamo Vam informaciju da je u ovom Tužilaštvu u 2013. godini ukupno u radu bilo 85 predmeta po podnesenim izvještajima o počinjenom krivičnom djelu porezne utaje iz člana 273. KZ FBiH. Od navedenog broja u 13 predmeta otvorena je istraga, dok je u 11 predmeta donesena naredba o nepokretanju istrage. U 4 predmeta istraga je obustavljena, te je u 2 predmeta podignuta optužnica, zbog krivičnog djela iz člana 273. KZ FBiH.

Takođe, u 2013. godini ovo Tužilaštvo u radu je imalo 12 predmeta, zbog krivičnog djela lažne porezne isprave iz člana 274. KZ FBiH. U 1 predmetu, u toku izvještajnog perioda stavljena je naredba o provođenju istrage, u 3 predmeta donesena naredba o nepokretanju istrage, te u 1 predmetu donesena je naredba o obustavi istrage.

Iz ostalih članova glave XXIII Krivičnog zakona FBiH bilo je ukupno 9 predmeta u radu, od kojih je u 2 predmeta donesena naredba o provođenju istrage, koji su postupci u toku.

S poštovanjem,

GLAVNA KANTONALNA TUŽITELJICA



Nives Kanevčev

Bosna i Hercegovina
FEDERACIJA BOSNE I HERCEGOVINE
FEDERALNO TUŽILAŠTVO
FEDERACIJE BOSNE I HERCEGOVINE
SARAJEVO
Broj: A-205/14
Sarajevo, 17.03.2014. godine
RBD

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 18.3.2014.			
Organizaciona jedinica	Klasifikaciona oznaka	Nedni broj	Broj priloga
01-50-1-15-63/14			

Parlamentarna skupština BiH
Predstavnički dom Parlamentarne skupštine BiH
Kabinet predsjedavajućeg Predstavničkog doma
n/r gosp. Milorada Živkovića

Veza Vaš broj: 01/a-50-1-15-63/14 od 25.02.2014.g.

Poštovani,

Dana 07.03.2014. godine Federalno tužilaštvo FBiH zaprimilo je Vaš dopis broj gornji, uz koji ste dostavili poslaničko pitanje poslanika gosp. Nike Lozančića, upućeno svim tužilaštvima u Bosni i Hercegovini, a koje se odnosilo na ukupan broj pokrenutih krivičnih postupaka protiv odgovornih poreznih obveznika zbog neuplaćenih poreza i doprinosa.

Podsjećamo Vas da je donošenjem Zakona o sudovima u FBiH, koji je stupio na snagu 12.07.2005. godine ("Službene novine Federacije BiH" broj: 38/05, 22/06 i 63/10), ukinuta prvostepena nadležnost Vrhovnog suda Federacije BiH za koji se u smislu čl. 17 Zakona o Federalnom tužilaštvu ("Službene novine Federacije BiH" broj: 19/03) i čl. 24 i 48 Zakona o krivičnom postupku FBiH, veže stvarna i mjesna nadležnost ovog Tužilaštva, tako da od dana stupanja na snagu Zakona o sudovima u FBiH Federalno tužilaštvo FBiH samostalno ne vodi istrage i ne podiže optužnice, već samo ima nadležnost da pred Vrhovnim sudom Federacije BiH zastupa kantonalna tužilaštva povodom žalbi na prvostepene odluke kantonalnih sudova, kao i nadležnost u postupku ponavljanja krivičnog postupka kao vanrednog pravnog lijeka.

S obzirom na naprijed izneseno, Federalno tužilaštvo FBiH ne raspolaže traženim podacima.

S poštovanjem,

